

60. posmjertniny kapłana Alojisa Andrickeho



Wobdžělnicy modla so před něhdyšim blokom 26.

Wopominajo smjertny dzeń Alojisa Andrickeho, na kotrymž bě wón w swojej chorosci město duchowneho smjertnu injekciju dóstał, podachmy so 3. februara něhdže 50 Serbow ze Šmitec busom na tute hrózbne městno něhdyšeho koncentraciskeho lěhwa pola Mníchowa. Duchowny nawod měješe Radworski farar a předsyda Towarstwa Cyrila a Metoda z.t. (TCM), Šćěpan Delan. Po puću so modlachmy, spěwachmy różowc a kěrluš a slyšachmy „Rozpominanja wo Alojisu Andrickim“ z pjera českeho přečela, fararja Josefa Šindarja. Tež wideo wo žiwjenju Alojisa Andrickeho bě dobry přihot za tutón wopyt jeho smjertneho městna w Dachauje.

Popołdnu swjećeše farar Delan z našej skupinu a někotrymi Mníchowskimi kolpingowcami, kiž so w svojich wosadach wo zbóžnoprajenje našeho krajana modla, božu mšu w kapatce karmelitskeho klóštra, kotraž je zaměstnjena při tutym něhdyšim smjertnym lěhwje. W swojim předowanju pokaza farar Delan na žiwjenski skutk Alojisa Andrickeho, na jeho žiwjenje tu w lěhwje a na jeho sobujateju dr. Bena Šořtu a fararja Jana Cyža-Hajničanskeho. Namotwi nas, zo bychmy

wutrajnje tež w našich wosadach so dale modlili wo zbóžnoprajenje Alojisa Andrickeho. Klósterske sotry nam po božej mši zdžělchu, zo přiběraja naprašowanja a zajim za jeho žiwjenjom a wosebje za stawom pokročowanja procesa jeho zbóžnoprajenja.

Na městnje před něhdyšim blokom 26, hdžež běchu wosebje němscy duchowni zajeći a hdžež widžimy džensa jenož hišće zakładne rysy baraki, stajichmy swěčku a spominachmy zhromadnje na našich krajanoj a wšěch tu zahinjenych.

Na wječornej jězbje po Mníchowje přewodžeše nas na swojorazne a lóštne wasnje farar wosady swjateho Bena, Franz Xaver Eder.

Tež dalši dzeń wobradzi so nam hłuboke duchowne dožiwjenje w Mníchowskej katedrali, jako swjećachmy z našim fararjom před pobočnym wołtarjom swjateho Bena božu mšu z předowanjom wo žiwjenju našeho serbskorěčneho misionara a japoštoła Serbow. Tu chowa so nop dołholětneho Mišnjanskeho biskopa Bena jako relikwija. Pod škleńcu widžiš jeho biskopski kij. Kaž nam zwóńk zdžěli, bě to na tutym wołtarku přenja boža mša

scyla po renowaciji katedrale před džesać lětami. Wón wjedžeše nas po tym po katedrali a nam wobšěrnje wo stawiznach tutoho stareho božeho domu powědaše kaž tež wo česćowanju swjateho Bena w Mníchowje.

Po krótkim přechodžowanju po Mníchowje podachmy so z mnohimi duchownymi dožiwjenjemi na dompuć. Někotryžkuli wuži tež nětko hišće składnosć, so rozmołwjeć z Martu

Foće: B. Budar

Hantušowej, sotru Alojisa Andrickeho, abo z dr. Achimom Nawku, kiž znaješ swojeho kuzenka Alojisa z džěćacych lět sem, z nim hromadže sportowaše, pozdžišo wěsty čas z nim w Paderbornje studowaše a wuknješe a so hišće na mnohe zajimawe dožiwjenja z nim dopomina. Tež kuzinje Alojisa, Ludmila Nawka a Monika Bizoldowa, běštej sobu jětoj. Tak so w bjesadze dompuć spěšnje miny, tež z modlitwu a spěwanjom. Tuž slyša naše zapłać Bóh w mjenje wšitkich wobdžělnikow wosebje Towarstwu Cyrila a Metoda a jeho předsyde, kiž bě wopomnjen-sku jězbu tak derje přihotował. Wutrobny džak tež našemu přečelnemu serbskemu šoferej ze Šmitec wozydłownistwa.

Runje před džesać lětami bě po politiskim přewróće přenja jězba Serbow do Dachauy. Mjeztym je so tójšto wo njeboh Alojisu Andrickim publikowało, tež w nowych medijach. W lěće 1998 zahajeny proces zbóžnoprajenja je so na biskopstwowej runinje mjeztym zakončit. W lěće 2001 podachu so třebne akty do Roma. Tam so wšě podložki dale pruwuja. Přeco wjace serbskich a němских wěriwych modli so wo zbóžnoprajenje kapłana Alojisa Andrickeho.

Beno Budar



Serbska skupina před kapatku swjateho Bena w Mníchowskej tachantskej cyrkwi